

卷  
伍陸柒捌

第四本

新  
增  
全圖足本醫宗金鑑

海上

局書新啟

行發



御纂醫宗金鑑卷五

訂正仲景全書傷寒論註

辨少陽病脈證并治全篇 少陽主春其氣半出地外半在地中人身之氣亦如之故主半表半裏也半表者謂在外之太陽也半裏者謂在內之太陰也邪入其間陰陽相移寒熱交作邪正相持進退互拒此際汗吐下三法俱在所禁故立小柴胡湯和解法加減施治然小柴胡加減法中又有口不渴身有微熱者加桂枝以取汗及下後胸脇滿微結小便不利渴而不嘔頭汗出往來寒熱者用柴胡桂枝乾薑湯汗之又有柴胡證具而反下之心下滿而鞭痛者此為結胸也大陷胸湯主之及柴胡證仍在者先與小柴胡湯嘔不止心下急鬱鬱微煩者為未解也與大柴胡湯下之更有本柴胡證醫以丸藥下之微利胸脇滿而嘔日晡潮熱者小柴胡加芒硝湯下之等法是仲景亦有汗下之法惟在臨證詳察因病施治不可執一也少陽之為病口苦咽乾目眩也一註少陽者膽經也其脈起於目銳皆從耳後入耳中挾咽出頤頷中邪傷其經故口苦咽乾目眩也口苦者熱蒸膽氣上溢也咽乾者熱耗其津液也目眩者熱薰眼發黑也此揭中風傷寒邪傳少陽之總綱凡篇中稱少陽中風傷寒者即具此證

之謂也

**集註**

林瀾曰論中言少陽病胸脇痛耳聾往來寒熱心煩喜嘔胸脇

痞鞭半表半裏之證詳矣此何以曰口苦咽乾目眩也大抵病於經絡者此篇

諸條已悉之矣若膽熱府自病則又必有此證也 沈明宗曰此雖少陽總證

然偏裏矣少陽主膽其脈循脇絡於耳故胸脇痛而耳聾仲景另出手眼以補

口苦咽乾目眩之裏證乃括少陽風傷衛寒傷榮風寒兩傷而言也

白少陽者一陽也少陽之上相火主之苦從火化火盛則乾故口苦咽乾也少

陽屬木木主肝肝主目故病則目眩也 魏荔彤曰膽府與少陽經為表裏而

非半表半裏之謂半表者對太陽之全表言半裏者對太陰之全裏言故少陽

在半表半裏之間總以經絡之界為言又曰經中所謂不必悉具者指或中餘

證而少陽經膽府之主病未有不悉具而遽可指為少陽病成者少陽中風兩耳

無所聞目赤胸中滿而煩者不可吐下吐下則悸而驚

咽乾目眩之謂也中風謂此少陽病是從中風之邪傳來也少陽之脈起目銳

皆從耳後入耳中其支者會缺盆下胸中循脇表邪傳其經故目赤耳聾胸中

滿而煩也然此乃少陽半表半裏之胸滿而煩非太陽證具之邪陷胸滿而煩

者此故不可吐下若吐下則虛其中神志虛怯則悸而驚也此揭中風邪傳少

陽之謂也



陽之大綱也

集註

程知曰少陽惟宜和解若吐之則虛其陽而悸下之則虛

其陰而驚

汪琬曰少陽有吐下之禁祇因煩滿故誤行吐下之法成註謂吐

則傷氣氣虛者悸下則亡血血虛者驚不知驚悸皆主於心誤吐且下則津液

衰耗神志虛怯故悸而驚也

沈明宗曰胸中煩滿似乎可吐但在少陽其邪

已下胸膈脇吐之徒傷胸中之氣使邪內併逼迫神明則悸而驚也

魏荔彤

曰此條論仲景不出方小柴胡條有心煩心下悸之證想可無事他求也汗吐

下三法既不可行則當和解之小柴胡為少陽對證之藥斯用之宜決耳傷

寒脈弦細頭痛發熱者屬少陽少陽不可發汗發汗則譫語此屬胃胃和則愈胃

不可和則煩而悸

註

不曰少陽傷寒而曰傷寒略言之也謂此少陽病是從

傷寒之邪傳來也脈弦細少陽之脈也上條不言脈此言脈者補言之也頭痛

發熱無汗傷寒之證也又兼見口苦咽乾目眩少陽之證故曰屬少陽也蓋少

陽之病已屬半裏故不可發汗若發汗則益傷其津而助其熱必發譫語既發

譫語則是轉屬胃矣若人津液素充胃能和則或可愈否則津乾熱結胃不

能和不但譫語且更煩而悸矣此揭傷寒邪傳少陽之大綱也

集註

王肯堂

曰凡頭痛發熱俱為在表惟此頭痛發熱為少陽者何也以其脈弦細故知邪

入少陽之界也 喻昌曰少陽傷寒禁發汗少陽中風禁吐下二義互舉其旨益嚴蓋傷寒之頭痛發熱宜於發汗者尚不可汗則傷風之不可汗更不待言矣傷風之胸滿而煩似可吐下者尚不可吐下則傷寒之不可吐下更不待言矣脈弦細者邪欲入裏其在胃之津液已為熱耗重復發汗而驅其津液外出安得不譫語乎 汪琥曰誤發其汗譫語者奪其津液而胃乾故言亂也此少

陽之邪已轉屬胃胃和則愈者言當用藥以下胃中之熱而使之和平也胃不和不但譫語更加煩擾怙悖此言胃熱上犯於心故藏神不自寧也傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞鞭或心下悸小便不利或不渴身有微熱或欬者小柴胡湯主之

**註**

此承上三條互詳其證以明其治也傷寒中風三四日見口苦咽

乾目眩之證與弦細之脈知邪已傳少陽矣若兼耳聾目赤胸滿而煩者則知自從中風傳來也若兼見頭痛發熱無汗者則知是從傷寒傳來也今五六日更見往來寒熱胸脇苦滿默默不欲飲食心煩喜嘔則知是中風傷寒兼見俱有之證也少陽之邪進可傳太陰之裏退可還太陽之表中處於半表半裏之間其邪外併於表半表不解則作寒內併於裏半裏不和則作熱或表或裏無

常故往來寒熱不定也少陽之脈下胸膈邪湊其經故胸脇苦滿也少陽邪  
近乎陰故默默也少陽木邪病則妨土故不欲飲食也邪在胸脇火無從泄  
逼於心故心煩也邪欲入裏裏氣外拒故嘔嘔則木氣舒故喜之也此皆柴胡  
應有之證也其於諸證時或有之總宜以小柴胡湯主之各隨見證以加減治  
之可耳然既分中風傷寒之傳而不分其治者何也蓋以太陽有榮衛之分故  
風寒之辨宜嚴及傳陽明少陽則無榮衛之分且其邪皆化熱故同歸一致也

**集註**

成無己曰邪在表裏之間謂之半表半裏傷寒中風者是或傷寒或中

風非傷寒再中風中風復傷寒也五六日邪自表傳裏之時邪在表則寒在裏  
則熱今在半表半裏之間未有定處故往來寒熱也邪在表心腹不滿邪在裏  
則心腹脹滿今言胸脇苦滿亦是在表裏之間也邪在表呻吟不安邪在裏則  
內煩經云陽入之陰則靜默默由邪方自表之裏在表裏之間也邪在表則能  
食邪在裏不能食不欲食者未至於必不能食故亦為在表裏之間也邪在表  
則不煩不嘔邪在裏則煩滿而嘔煩而喜嘔者邪在表方傳裏也邪初入裏未  
有定處所傳不一故有或見之證也方有執曰五六日大約言也往來寒熱  
者邪入軀殼之裏藏府之外兩界之隙地所謂半表半裏乃少陽所主之部位

也故入而併於陰則寒出而併於陽則熱出人無常故寒熱間作也太陽一經有榮衛之不同所以風寒異治陽明切近太陽榮衛之道在通風寒之辨尚嚴少陽一經越陽明去太陽遠矣風寒無異治經以傷寒中風五六日往來寒熱交互為文者發明風寒至此同歸於一致也

小柴胡湯方

柴胡 半斤

黃芩 三兩

人參 三兩

半夏 半升

甘草 三兩

生薑 三兩

大棗 十二枚

以上七味以水一斗二升者

取六升去滓再煎取三升溫服一升日三服

加減法

若胸中煩而不嘔去半夏人參加枳實一枚 若渴去半夏加人參合前成  
四兩半枳實根四兩 若腹中痛者去黃芩加芍藥三兩 若脇下痞鞭去大棗加牡蠣四兩 若心下悸小便不利者去黃芩加茯苓四兩 若不渴外有微熱者去人參加桂枝三兩溫服微汗愈 若效者去人參大棗生薑加五味子半升乾薑二兩

方解

邪傳太陽陽明日汗曰吐曰下邪傳少陽惟宜和解汗吐下三法皆在所禁以其邪在半表半裏而角於軀殼之內界在半表者是客邪為病也在半



裏者是主氣受病也邪正在兩界之間各無進退而相持故立和解一法既以柴胡解少陽在經之表寒黃芩解少陽在府之裏熱猶恐在裏之太陰正氣一虛在經之少陽邪氣乘之故以薑棗人參和中而預壯裏氣使裏不受邪而和還表以作解也世俗不審邪之所據果在半表半裏之間與所以應否和解之宜及陰陽疑似之辨總以小柴胡為套劑醫家幸其自處無過病者喜其藥味平和殊不知因循誤人實為不淺故凡治病者當識其未然圖機於早也

〔集解〕

程應旆曰方以小柴胡名者取配乎少陽之義也至於制方之旨及加

減法則所云上焦得通津液得下胃氣因和盡之矣方中以柴胡疏木使半表之邪得從外宣黃芩清火使半裏之邪得從內徹半夏豁痰飲降裏氣之逆人參補內虛助生發之氣甘草佐柴芩調和內外薑棗佐參夏通達榮衛相須相濟使邪不至內向而外解也至若煩而不嘔者火氣燥實逼胸也故去人參半夏加枯薑實也渴者燥已耗液逼肺也故去半夏加枯薑根也腹中痛者木氣散入土中胃陽受困故去黃芩以安土加芍藥以戢木也脇下痞鞭者邪既留則木氣實故去大棗之甘而緩加牡蠣之鹹而奕也心下悸小便不利者水邪侵乎心故去黃芩之苦寒加茯苓之淡滲也不渴身有微熱者半表之寒尚滯



於肌故去人參加桂枝以解之也欬者半表之寒湊入於肺故去參棗加五味子易生薑為乾薑以溫之雖肺寒不減黃芩恐乾薑助熱也總之邪在少陽是半表半裏之熱鬱而不升故以小柴胡治之所謂升降浮沉則順之也○傷寒

中風有柴胡證但見一證便是不必悉具註此承上而言無論傷寒中風邪

傳少陽病在半表半裏有柴胡證但見一證便以小柴胡隨證加減治之不必

待其悉具也集註方有執曰此承上條辨認少陽一經為病之大旨鄭重

光曰有柴胡證但見一證便是不必悉具者言往來寒熱是柴胡證此外兼見

胸脇滿鞭心煩喜嘔及諸證中凡有一證者即是半表半裏故曰嘔而發熱者

小柴胡湯主之因柴胡為樞機之劑風寒不全在表未全入裏者皆可用故證

不必悉具而方有加減法也至若柴胡有疑似證不可不審者如脇下滿痛本

渴而飲水嘔者柴胡不中與也及但欲嘔胸中痛微溇者亦非柴胡證此等又當

細為詳辨者也○傷寒三日少陽脈小者欲已也註傷寒該中風而言也其

邪三日少陽受之脈若大者為邪盛欲傳今脈小為邪衰欲自已也集註程

應旒曰脈小則陽得陰以和是邪盡退而正來復矣張錫駒曰三日乃少陽

主氣之期脈小則病退也○傷寒四五日身熱惡風頸項強脇下滿手足溫而

渴者小柴胡湯主之註傷寒四五日邪在三陽之時身熱惡風太陽證也頸項強太陽陽明證也脇下滿手足溫而渴陽明少陽證也此為三陽合病之始固當權其孰緩孰急以施其治然其人脇下滿手足溫而渴是已露去表入裏歸併少陽之機故獨從少陽以為治也主以小柴胡湯者和解其表裏也此三陽合病不必悉具柴胡證而當用柴胡之一法也集註方有執曰三陽俱見病而獨從少陽小柴胡以為治者太陽陽明之邪微少陽近裏而裏證見故從少陽一於和而三善備也喻昌曰本當從三陽合併病之例而用表法但手足溫而加渴是外邪逼湊於少陽向裏之機已著更用辛甘發散則重增其熱而大耗其津矣故從小柴胡之和法使陽邪罷而陰津不傷一舉而兩得也小柴胡湯當從加減法不嘔而喝者去半夏加桔萸根為是張志聰曰手足溫者手足不冷也非病人自覺其溫乃診者按之而得也不然何以既曰身熱而復云手足溫耶汪琥曰此條係三陽經齊病而少陽之邪居多也太陽傷寒已至四五日之時不曰發熱惡風祇曰身熱者此太陽之邪漸衰也其兼陽明證不曰鼻乾不得卧而祇曰頸項强者此陽明之邪亦將衰也惟脇下滿為少陽經之專證况兼手足溫而又渴此為邪傳裏之機已著也○陽明病發潮熱大便

澹小便自可胸脇滿不去者與小柴胡湯註陽明病發潮熱當大便鞭小便數也今大便澹小便如常非陽明入府之潮熱可知矣況有胸脇滿不去之陽證乎故不從陽明治而從少陽與小柴胡湯主之也

集註王肯堂曰陽明

為病胃家實也今便澹而言陽明病者謂有陽明外證身熱汗出不惡寒反惡熱也程應旆曰如得陽明病而發潮熱似乎胃實之徵矣但胃實必大便鞭

而小便數今大便澹小便自可是熱非入府之熱也再以胸脇微之則至以小

柴胡湯無疑矣○陽明病脇下鞭滿不大便而嘔舌上白胎者可與小柴胡湯

上焦得通津液得下胃氣因和身濺然汗出而解註陽明病不大便脇下鞭

滿而嘔是陽明傳少陽病也若舌上黃胎濇者為陽明之熱未盡則當與大柴

胡湯兩解之今舌上白胎滑者是已傳少陽故可與小柴胡湯和解之俾上焦

得通則嘔可止津液得下則便可通胃氣因和而鞭滿除則身必濺然汗出而

解矣集註程知曰此言陽明兼少陽宜用小柴胡也不但大便澹為胃未實

即使不大便而嘔亦為邪未入裏鞭滿在脇而不在腹舌胎白而不黃皆少陽

之見證多故當從小柴胡分解陰陽則上下通和濺然汗出而表裏之邪為之

一撤矣程應旆曰脇下鞭滿不大便而嘔是大柴胡湯證也其用小柴胡湯

者以舌上白胎猶帶表寒故也若胎不滑而濇則所謂舌上乾燥而煩欲飲水數升謂裏熱已耗及津液此湯不可主矣又曰上焦得通照脇下鞭滿言津液得下照舌胎與嘔言胃氣因和照不大便言上條陽明病從潮熱上見此條陽明病從不大便上見 凡柴胡湯病證而下之若柴胡證不罷者復與柴胡湯必蒸蒸而振却發熱汗出而解註凡柴胡湯病證不與柴胡湯而反下之不變他病柴胡證仍在者可復與柴胡湯則解但以誤下其證必虛故解必蒸蒸而熱振振而寒邪正交爭然後汗出而解也 **集註**方有執曰蒸蒸而振作戰汗也必如此而後解者以下後裏虛故也 程知曰邪氣還表故蒸蒸而熱下後正虛故振振而動○得病六七日脈遲浮弱惡風寒手足溫醫二三下之不能食之而脇下滿痛面目及身黃頸項強小便難者與柴胡湯後必下重本渴而飲水嘔者柴胡湯不中與也食穀者噦按食穀者噦四字衍文食穀嘔者有之從無噦者註得病六七日少陽入太陰之時也脈遲太陰脈也浮弱太陽脈也惡風寒太陽證也手足溫太陰證也醫不以柴胡桂枝湯解而和之反二三下之表裏兩失矣今不能食脇下滿痛雖似少陽之證而實非少陽也面目及身發黃太陰之證已具也頸項強則陽明之邪未已也小便難者數下奪津之候也

此皆由醫之誤下以致表裏雜揉陰陽同病若更以少陽脇下滿痛之一證不必悉具而又誤與柴胡湯則後必下重是使邪更進於太陰也雖有渴證乃係數下奪津之渴其飲水即嘔亦非少陽本證之嘔緣誤下所致故柴胡湯不中與也

**集註** 程知曰前言柴胡證但見一證便是此更言脇下滿痛亦有不宜柴胡者以為戒也 程應旆曰以一渴證辨之前條之手足溫而渴者熱在裏未經數下自能消水今才渴而飲水則嘔知其渴為膈燥津亡之渴數下中虛不能消水究於胃陽無涉然則柴胡湯之於少陽豈可云但見一證便是乎又豈可云下之而柴胡證不罷者復與柴胡湯乎

○傷寒六七日發熱微惡寒支節煩疼微嘔心下支結外證未去者柴胡桂枝湯主之

**註** 傷寒六七日發熱微惡寒支節煩疼微嘔心下支結者是太陽之邪傳少陽也故取桂枝之半以散太陽未盡之邪取柴胡之半以散少陽嘔結之病而不名桂枝柴胡湯者以太陽外證雖未去而病機已見於少陽裏也故以柴胡冠桂枝之上意在解少陽為主而散太陽為兼也支者側也小也支結者即心下側之小結也

**集註** 方有執曰支節四肢骨節也支結言支飲搏聚而結也發熱至微嘔太陽之表也故曰外證未去 程知曰此邪入少陽而太陽證未去者也發熱惡寒支節

煩疼太陽證也乃惡寒而微但支節煩痛而不頭項強痛則太陽證亦稍減矣  
嘔而支結少陽證也乃嘔逆而微但結於心下之偏旁而不結於兩脇之關則  
少陽亦尚淺也若此者惟當以柴胡湯和解少陽而加以桂枝湯發散太陽此  
不易之法也

柴胡桂枝湯方

柴胡 四兩

桂枝 一兩

人參 一兩

甘草 一兩

半夏 二合

黃芩 一兩

芍藥 一兩

大棗 六枚

生薑 一兩

以上九味以水七升煮取三升去滓溫服一升

集解

柯琴曰仲景書中最重柴桂二方以桂枝解太陽肌表又可以調諸經

之肌表小柴胡解少陽半表亦可以和三陽之半表故於六經病外獨有桂枝

證柴胡證之稱見二方之任重不拘於經也如陽浮陰弱條是仲景自為桂枝

證之註釋血弱氣盡條是仲景自為柴胡證之註釋桂枝有壞病柴胡亦有壞

病桂枝有疑似證柴胡亦有疑似證如病似桂枝證脚攣急與胸中痞鞭者及

病似柴胡證本渴而飲水嘔與但欲嘔胸中痛者是已此條言傷寒六七日寒

熱當退之時反見發熱惡寒諸表證更見心下支結諸裏證表裏不解法當表

裏雙解之矣然惡寒微則發熱亦微可知支節煩疼則一身骨節不疼可知微

知醫宗金鑑 卷五 訂正傷寒論註少陽全篇 上海啟新書局發行

嘔心下亦微結故謂之支結是表證雖不去而已輕裏證雖已見而未甚故取桂枝之半以結太陽未盡之邪取柴胡之半以解少陽微結之證口不渴身不微熱者法當去人參以六七日邪雖未解而正已虛故仍用之外證雖在而病機已見於裏故方以柴胡冠桂枝之上為雙解兩陽之輕劑也○傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之註傷寒五六日已發其汗表未解而復下之若邪陷入陽明之裏則必作結胸痞鞭協熱下利等證今邪陷入少陽之裏故令胸脇滿微結也小便不利渴而不嘔者非停水之故乃汗下損其津液也論中有身無汗獨頭汗出發熱不惡寒心煩者乃陽明表熱鬱而不得外越之頭汗也今但頭汗出往來寒熱心煩者無陽明證知為少陽表熱鬱而不和上蒸之頭汗也此為少陽表裏未解之證故主柴胡桂枝乾薑湯以專解半表之邪兼散半裏之結也集註林瀾曰五六日已經汗下之後則邪當解今胸脇滿微結寒熱心煩者是邪猶在半表半裏之間也小便不利而渴乃汗下後亡津液內燥也若有熱飲其人必嘔今渴而不嘔知非飲熱也傷寒汗出則和今但頭汗出餘處無汗者津液不足而未和也與柴胡桂枝乾薑湯以解表

裏而復津液也 汪琥曰傷寒頭汗出者乃陽鬱於表非陽虛於上也

柴胡桂枝乾薑湯方

柴胡 羊助

桂枝 三兩

乾薑 二兩

枳實根 四兩

黃芩 三兩

牡蠣 二兩

甘草 二兩

以上七味以

水一斗二升煎取六升去滓再煮取三升溫服一升日三服初服微煩復服

汗出便愈

方解 少陽表裏未解故以柴胡桂枝合劑而主之即小柴胡湯之變法也去

人參者因其正氣不虛減半夏者以其不嘔恐助燥也加枳實根以其能止渴

兼生津液也倍柴胡加桂枝以主少陽之表加牡蠣以乘少陽之結乾薑佐桂

枝以散往來之寒黃芩佐柴胡以除往來之熱且可制乾薑不益心煩也諸藥

寒溫不一必需甘草以和之初服微煩藥力未及復服汗出即愈者可知此證非

汗出不解也 服柴胡湯已渴者屬陽明以法治之 註 風寒之邪從陽明而

傳少陽起初不渴今服柴胡湯已反渴者是少陽轉屬陽明也以法治之謂當

分其經府見證而治之也葛根白虎調胃問各從其宜而用之可耳 集註 方

有執曰已畢也服柴胡湯已畢而渴則非暫渴其為熱已入胃亡津液而渴可

知故曰屬陽明也 沈明宗曰服柴胡湯已渴者乃少陽之邪不傳三陰而轉





入陽明矣即當隨陽明現證而治故謂以法治之 鄭重光曰少陽陽明之病

機在嘔渴中分渴則轉屬陽明則嘔仍在少陽如嘔多雖有陽明證不可攻之

因病未離少陽也服柴胡湯渴當止若服柴胡湯已加渴者是熱入胃府耗津

消水比屬陽明胃病也○傷寒五六日頭汗出微惡寒手足冷心下滿口不欲

食大便鞭脈細者此為陽微結必有表復有裏也脈沉亦在裏也汗出為陽微

假令純陰結不得復有外證悉入在裏此為半在裏半在外也脈雖沉緊不得

為少陰病所以然者陰不得有汗今頭汗出故知非少陰也可與小柴胡湯設

不了了者得屎而解按脈細當是脈沉細觀本條下文脈沉亦在裏也之亦

字自知脈雖沉緊之緊字當是細字本條上文並無緊字如何說脈雖沉緊雖

字何所謂耶必是傳寫之誤註傷寒五六日雖表有頭汗出微惡寒之陽邪

未罷裏有心下滿口不欲食大便鞭之陽結已形但手足冷脈沉細則陽邪所

結殊微也故曰此為陽微結必有表復有裏也然脈沉細似乎裏陰盛而頭汗

出則為表陽鬱也假令純陰結則不得復有頭汗出之外證始合悉入在裏之

純陰結矣夫既非悉入在裏之純陰結此必為半在裏半在表之陽微結也故

脈雖沉細不得為少陰病所以然者三陰不得有汗今頭汗出故知非少陰也